



Amostra di Konteúdu di Boletin Informativu sobri kes Renovason di Medicaid *Atualizadu na 16 di maiu di 2023*

Kontestu

Pa primeru vez desdi antis di pandemia, kes renovason di Medicaid foi retomadu na Rhode Island, na 1 di abril. Atualmenti, mas di un tersu di kes rezidenti di Rhode Island ta resebi kobertura Medicaid. Na prosimu anu, Skritóriu Izekutivu pa Saúdi y Servisus Sosial (Executive Office of Health and Human Service, EOHHS) di Rhode Island — responsavel pa administrason di programa Medicaid di Stadu — stá ta trabadja en streitu kolaborason ku Departamentu di Servisus Sosial (Department of Human Services, DHS) y HealthSource RI (HSRI) pa garanti un prosesu di renovason trankuilu.

Abô é un fonti konfiavel di informason pa kes pesoa ki bu ta atendi na kes diversu programa di bu ajénsia. Na ajudá-nu divulga kes renovason di Medicaid, bu podi ajuda Rhode Island manti nôs taxa rekordi di kobertura di seguru di saúdi (aprosimadamenti na 97% di nôs Stadu).

Ali stá alguns mensajen sobri kes renovason di Medicaid ki nu ta spera ma bu ta konpartilha atraves di kes boletin informativu di bu ajénsia pa kes konstituinti, kes parseru di komunidadadi y kes prestador di kuidadus di saúdi.

Mensajen pa boletin informativu mandadu pa kes konstituinti

Bu Ten Kobertura di Medicaid?

Kuzê Ki Bu Presiza Sabi Sobri Bu Renovação Di Medicaid

Na 1 di abril, Stadu di Rhode Island inisia kes renovason di kualifikason pa abitantis di Rhode Island ki ten Medicaid. Sima ezijidu pa lei federal, Stadu ka stá ta bai renova tudu di un vez. Bu stá ta bai resebi un notifikason na prosimu anu. Bu podi resebi kel notifikason di renovason imediatamenti ô el podi txiga ainda na kel anu li (kes agregadu familiar ku kriansas ka stá ta bai resebi kel notifikason di renovason até dezenbru di 2023).

Kuza mas inportanti pa fazi é **asegura ki bus informason di kontaktu stá atualizadu**. Nu stá ta bai manda bu notifikason di renovason di Medicaid pa kel enderesu ki nu ten di bô. Ô, si bu opta pa resebi bus notifikason iletronikamenti, kel notifikason di renovason di Medicaid stá ta bai stá na bu konta na www.healthyrhode.ri.gov.

Bu podi verifika ô atualiza bus informason di kontaktu ta konsulta www.healthyrhode.ri.gov ô ta fazi login na kel aplikativu movel HealthyRhode. Insiri bu “username” (nómi di utilizador) y “password” (palavra xavi). Dipos:

- Klika “My Profile” (Nha Perfil). Dipos klika “My Contact Information” (Nhas informason di kontaktu).
- Verifika bu nómi, enderesu di korespondénsia, número(s) di telefoni, y enderesu di e-mail. Grava un kualker alterason.



BE READY. STAY COVERED.

- Si bu kizer, inskrevi pa resebi mensajens di testu sobri bu kobertura. Klika na “My Contact Information” (Nhas informason di Kontaktu) y marka “Sign Up for Text Messages” (Inskrevi pa resebi mensajens di testu).

Tanbe, bu podi atualiza bus informason di kontaktu pur telefoni. Liga pa kel númeru na bu karton di seguru si bu tiver **Neighborhood Health Plan of Rhode Island (Planu di Saúdi do Bairus di Rhode Island)**, **Tufts Health Plan (Planu di Saúdi Tufts) (RITogether)**, ô **UnitedHealthcare Community Plan (Planu Komunitariu UnitedHealthcare) (UHCCP)**. Tanbe, bu podi liga pa HealthSource RI na 1-855-840-4774 ô pa Departamentu di Servisus Sosial (Department of Human Services) na 1-855-697-4347.

Kes renovason ta ajuda Stadu konfirma ki tudu algén na Medicaid ainda stá kualifikadu. Enkontra bu data de renovason antesipadu di Medicaid ta fazi log in pa bu konta na www.healthyrhode.ri.gov y prokura pa “My Renewal Information” (Nhas Informason di Renovason).

É inportanti sabi ki ainda bu ten Medicaid enkuantu bu stá ta spera pa notifikason di renovason y desizon sobri kualifikason. Basta bu resebi bu notifikason di renovason di Medicaid, verifiká-l y furnesi tudu kes dokumentu ki pididu **até kel prazu** na bu notifikason. Desdi ki bu furnesi tudu kes informason pididu **até kel prazu**, ainda bu stá ta bai stá kobertu enkuantu nu ta desidi si bu ta kontinua kualifikadu pa Medicaid. Si nu ka pidi ninhun dokumentu ô informason, basta bu verifika kes informason ki bu ta odja na bu notifikason di renovason. Informá-nu si tiver algun eru ô alterason pa ser fetu.

Nôs ekipa stá prantu pa ajudá-bu si bu prezisa di asisténsia. Kontakta HSRI na 1-855-840-4774 ô liga pa DHS na 1-855-697-4347. Tanbe, bu podi resebi ajuda na un ajénsia na bu komunidad. Enkontra un ajénsia pertu di bô www.healthsourceri.com. Pa sabi mas sobri kes renovason di Medicaid y odja amostras di notifikason di renovason, konsulta www.staycovered.ri.gov.

Mensajen pa botetin informativu mandadu pa kes parseru/organizador komunitariu

Kes Renovason di Medicaid stá na Kaminhu

Kuzê ki kes parseru komunitariu podi fazi pa ajuda kes abitanti di Rhode Island fika preparadu y protejido.

Kes renovason anual di Medicaid foi retomadu na 1 di abril y es stá ta bai kontinua na prosimu anu. Mas di 350.000 abitantis di Rhode Island stá atualmenti inskriu no Medicaid. É posivel ki alguns menbru di Medicaid ta skesi di kel prosesu di renovason ô otus ki for novu na Medicaid ka fazê-l antis. Komu parseru komunitariu di konfiansa, bu podi ajudá-nu divulga kes renovason di Medicaid y ajuda Rhode Island manti se taxa rekordi di kobertura di seguru (serka di 97 pur sentu).

Ali stá 5 kuzas ki bu devi sabi enkuantu kes renovason di Medicaid stá en andamentu:

1. **Kes Renovason di Medicaid ta komesa di novu na 1 di abril di 2023.** Kes renovason ta ajuda stadu konfirma ki tudu algén na Medicaid ainda stá kualifikadu. Nu interonpi kes renovason anual pa ajuda fasilita kuzas duranti kel imerjénsia di saúdi públiku federal di COVID-19, ma agora kel prosesu djá komesa di novu.



2. **Kuza mas inportanti ki kes menbru di Medicaid podi fazi agora é atualiza ses informason di kontaktu pa Stadu podi mandá-s kes atualizason inportanti sobri ses kobertura.** Ali stá komu ki menbrus di Medicaid ta podi atualiza ses informason di kontaktu:
 - a) Atraves di konputador ô telemovel: Konsulta healthyrhode.ri.gov ô diskarega kel aplikativu movel [HealthyRhode](https://healthyrhode.ri.gov).
 - b) Atraves di telefoni: Liga pa kel númeru na bu karton di seguru si bu tiver kel Neighborhood Health Plan of Rhode Island, Tufts Health Plan (RITogether) ô UnitedHealthcare Community Plan (UHCCP). Tanbe, bu podi liga pa HealthSource RI atraves di telefoni 1-855-840-4774 ô pa Departamentu di Servisus Sosial atraves di telefoni 1-855-697-4347.
 - c) Pesualmenti: Kes funsionariu di kes skritóriu di Departamentu di Servisus Sosial (DHS) di Rhode Island podi ajuda kes klienti pesoalmenti. [Klika li](#) pa un lista di kes skritóriu rejional di DHS.
3. **Nen tudu algén stá ta bai resebi renovason di un vez.** Kes menbru di Medicaid stá ta bai resebi informason di Stadu di Rhode Island sobri ses kobertura até 31 di marsu di 2024. *Familias ku kriansas ka stá ta bai resebi ses notifikason di renovason até dezenbru di 2023.* Kes menbru podi enkontra ses data de renovason stimadu ta fazi log in pa ses konta na www.healthyrhode.ri.gov.
4. **Objetivu di Stadu é aseguira ki abitantis di Rhode Island ta ten kobertura.** Si kobertura Medicaid di algén termina pamodi djá el ka stá kualifikadu, el stá ta bai resebi informason sobri komu inskrevi na un seguru di saúdi di baxu kustu atraves di HealthSource RI.
5. **Bu podi ajuda konpartilha kes informason sobri kes renovason di Medicaid ku menbrus di komunidadadi.** [Klika ali pa baxa kes rekursu ki ta dá pa konpartilha y inprimi na varius lingua.](#)

Pa sabi mas sobri kes renovason di Medicaid konsulta staycovered.ri.gov.

Mensajen pa boletin informativu mandadu pa fornecedoris di kuidadus di saúdi

Ajuda kes Pasienti Prepara pa Renovason di Medicaid

Kes renovason anual di Medicaid foi retomadu na 1 di abril. Kes menbru di Medicaid stá ta bai resebi informason di Stadu di Rhode Island sobri ses kobertura até 31 di marsu di 2024. Ta ezisti alguns kuza inportanti ki bu podi fazi pa ajuda garanti ki bus pasienti ta permanesi kobertu.

- **Konpartilha informason na kes aria di spera.** [Kel pájina di internet li ten desdobavel y poster ki podi ser diskaregadu ku informason sobri kes renovason di Medicaid na varius lingua.](#)
- **Fala ku bus pasienti ki stá na Medicaid.** Aseguira ma es ta fika ta sabi ki kel prosesu li stá ta komesa di novu. Informá-s ki ses kobertura ainda stá ativu duranti kel prosesu li y ki stadu stá ta bai informa óras ki txiga ses vez di renova.
- **Insentiva kes pasienti pa aseguira ki ses informason di kontaktu stá atualizadu pa Stadu podi manda kes notifikason inportanti sobri ses kobertura.** Ali stá komu ki es podi atualiza ses informason di kontaktu:
 - Atraves di konputador ô telemovel: Konsulta healthyrhode.ri.gov ô diskarega kel aplikativu movel [HealthyRhode](https://healthyrhode.ri.gov).



BE READY. STAY COVERED.

- Atraves di telefoni: Liga pa kel número na bu karton di seguru si bu tiver kel Neighborhood Health Plan of Rhode Island, Tufts Health Plan (RItogether) ô UnitedHealthcare Community Plan (UHCCP). Tanbe, bu podi liga pa HealthSource RI atraves di telefoni 1-855-840-4774 ô pa Departamentu di Servisus Sosial atraves di telefoni 1-855-697-4347.
- Pesualmenti: Kes funsionariu di kes skritóriu di Departamentu di Servisus Sosial (DHS) di Rhode Island podi ajuda kes klienti pesoalmenti. Klika li pa un lista di kes skritóriu rejional di DHS.

Pa sabi mas sobri kes renovason di Medicaid ô diskarega kes material informativu na varius lingua, konsulta staycovered.ri.gov.